



UKA 2019/22

30/9-2019

Steen Lynge

**Uunga siunnersuut: Inuussutissat pillugit Inatsisartut inatsisaat nr. xx, xx. xxx 2019-imeersoq.**

(Aalisarnermut, Piniarnermut Nunalerinermullu Naalakkersuisoq)

(Siullermeerneqarnera)

Demokraatinit iluarisimaarparput Naalakkersuisut siunnersuut manna aqqutigalugu nunatsinni nerisassiornerup iluani inuussutissanut tunisassiarineqartunut tunngasumik inatsisissanik sinaakkutissanik saqqummiussimmata.

Demokraatit inatsisissatut siunnersuutip pingaarnertut siunertaanut isumaqataapput, nunatsinni nerisassanut paasiuminartumik, ullutsinnut naleqquttumik nerisassiornerullu iluani soqutigisalinnut tamanut atoruminartumik sinaakkusiornissaq pisariaqarmat. Nunanut allanut sanillersuuffigisatsinnut assigusumik nerisassiornermi peqqissutsikkut illersuiniarnerit qaffasissut malinneqarnissaat kissaatigineqarlunilu Inatsimmi angunguniarneqarpoq.

Demokraatit aammattaq isumaqataapput sammisamut tunngasumik inatsimmik sinaakkusiisumik pilersitsinissaq pisariaqarmat, kissaatigineqartutut kungisinnerusukkut siunissami oqartussaqqarfik tamakkiisumik kalaallinit angerlaassinnaangortillugu.

Demokraatit isumaqataapput inatsit soqutigisalinnut assigiinngitsunut tulluarsagaassammata . Inatsit inuussutissarsiorfiit atuisullu pitsaasumik sinaakkuteqarnissaannut qulakkeerneqarnissaannut sinaakkutissiussissaaq, taassumalu saniatigut aamma inuussutissarsiornerup iluani eqaatsumik malittarisassiorqarsinnaalluni ingerlatsisunut mikisunut angisuunullu sumiiffimmut ataatsimut attuumassuteqanngitsunut imaluunniit eqimattanut aaliangersimangitsunut illersorneqarsinnaasunik tunisassiorsinnaanissaannut akornutaanngitsumik.

Allatut oqaatngalugu: Inatsimmi nutaami inuussutissarsiorlut nunatsinninngaannersut piumasaqaatinik inorsinneqarnatik inuiaqatigiinnut tuniniaasinnaanissaat qulakkeerneqarnissaa pisariaqarpoq. Inatsit malittarisassaalu suliarineqassapput nerisassiorneq tuniniaanerlu atugassianut assigiinngitsunut nerisassiornermi isumannaallisaaneq ulorianertorsiortinnagu.

Taamatut oqaaseqarluta Demokraatinit siunnersuut ataatsimiititaliamut ingerlateqqipparput tunngaviumik isumaqataagatta.